

廣陵詩事
一



廣陵詩事
二



廣陵詩事
三



廣陵詩事一

阮元記

中華書局

— 廣陵詩事 —

二

阮元記

中華書局

廣陵詩事
三

阮元記

中華書局

叢書集成初編

廣陵詩事 三冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

廣陵詩事敘

余輯淮海英靈集既成。得以讀廣陵者舊之詩。且得知廣陵者舊之事。隨筆疏記。勳成卷帙。博覽別集。所獲日多。遂名之曰廣陵詩事。其間有因詩以見事者。有因事以記詩者。有事不涉詩而連類及之者。大指以吾郡百餘年來名卿賢士。嘉言懿行。綜而著之。庶幾文獻可徵。不致飄落殆盡。且余生于諸舊舊百餘年後。亦藉此收羅殘缺。以盡後學之責也。退食餘閒。檢付弟亨子長生鈔錄成書。將以付刻。至于爵里族姓。或有舛誤。遺聞佚事。再當補述。尙望同志君子訂而續之。

嘉慶四年夏六月。鄉人阮元記于京邸之白圭詩館。

廣陵詩事卷一

儀徵阮元記

楊昭武將軍捷。世居寶應之崇儉鄉。以軍功籍隸義州。公自束髮承祖父之烈從軍旅。當世祖章皇帝入關定鼎。公年未三十。卽以武略知名于時。歷官四十餘年。身經數十戰。所向輒克。以功名終。贈太傅。謚敏壯。入籍揚州衛康熙甲子。上南巡。將軍時爲江南提督。迎駕。賜御書御製五言一首云。岐陽方較獵。要壘盡龍媒。仗下黃金勒。橫秋號逸才。紙尾書詠馬二字。用御製事見王文簡居易錄。張文貞撰將軍墓銘云。天子修時巡之典。公迎覲。余亦忝扈從。嘗與公竝騎行。竊觀公顧盼矍鑠。冠劍甚偉。及沿江而下。公獨乘小艇。攜兩健卒。晏坐于驚風白浪之中。一時豐鎬舊勳咸指目歎羨。余因舉昔人詩所云精神如破貝州時者。謂公庶幾似之。

史蕉飲申義少時。與顧書宣圖河齊名。稱維揚二妙。澤州相國在直廬日。聖祖嘗傳問今之詩人爲誰。相國以蕉飲及周桐楚起渭對。一時翰苑又有兩詩人之目。洵嘉話也。

吳蘭次綺順治九年。以拔貢生授中書舍人。奉詔譜楊繼盛傳奇。稱旨。卽以楊繼盛之官官之。時以爲榮。蘭次有人署拜椒山楊先生祠時奉命譜椒山傳奇詩。

泰州陳曙峰厚耀成進士。安溪相國特薦其通郭太史算法。召對稱旨。聖祖指示筆算諸法。厚耀學益精。

進。上嘗語梅穀成曰。汝知陳厚耀否。他算法近日精進。向曾受教於汝祖。今汝祖若在。尙將就正於彼矣。詳見元所撰囑人傳。厚耀以文學之臣。遭遇聖主。數言論定。可不朽矣。所賜書籍儀器瓜果甚多。又賜熱河夜光木。供之几上。光皎如月。厚耀奉勅賦夜光木詩。

寶應王予中。初以進士官安慶府教授。未幾。憲皇帝詔與漳浦蔡文勤公世遠同引對。授編修。直上書房。以母憂歸。感恩不忘。因名其子曰箴慈。

汪檢討楫。字舟次。有送弟歸里詩句云。客夢無多時上冢。君恩未報敢思鄉。真見忠孝之忱。

舟次於康熙癸未。奉命充冊封琉球正使。乘傳過揚州。渡閩海。遇神廟。三日而至。宣示威德。改訂典禮。其觀海詩集有天風海濤之勢。按早年詩境大異。彼國長史鄭洪良以王命請畫舟次像留國中。舟次以詩答之云。豈是中朝第一流。偶持龍節拂麟洲。大名那得齊諸葛。遺像何勞比益州。稍喜文章堪報國。誰憑骨相取封侯。靈臺一片真難狀。多謝傳神顧虎頭。真得使臣之體矣。歸作乘風破浪圖。一時詩人皆題詠焉。

高郵賈國維。字千仞。聖祖南巡。國維以舉人獻詩賦。取入內廷纂修。丙戌試禮闈。不遇。特旨與中式貢士一體殿試。登一甲第三人。授編修。亦異數也。

泰州程風沂。京兆盛修爲侍御時。恭進詠史樂章十二篇。斷畧匡。一市價對。二辟戰。三乘船戒。四撤屏。悟。五侍宴規。六從獵諷。七佳鷹表。八宮體箴。九用筆喻。十觀燈諫。十一三司告。十二上嘉賓之賜。綴二端。

筆墨二種。

劉忠烈欽，字江屏，馬世俊榜進士。始以養母家居，繼官廣西富川縣知縣。逆賊孫延齡叛桂林，僞將圍富川，忠烈力拒之。以有內應者，城遂陷。忠烈被執，迫以僞官，擲其印，作絕命詩云：「反覆南疆遠，辜恩逆虜狂。微臣猶有舌，不肯讓睢陽。」遂縊死。處士陶南村，嘗有詩弔之云：「書生辦賊事分明，變起南荒鼓角聲。絕命大書清進士，毀符羞作僞公卿。」白頭萬里心難死，碧血千年氣尚生。持此區區堪報國，笑他身外總浮名。

劉富川死事詩

李天馥

千秋峻節峙昆侖，志決身殲運獨屯。自有精靈能殺賊，不教海島遁孫恩。一片丹心自不灰，丈夫如此復何哀。故鄉好薦招魂賦，瓜步江潮白馬來。

王士正

白沙江上別蒼茫，憶爾廬陵節義鄉。萬里青燐連桂管，三年碧血照清湘。烏啼灘淚逢寒食，馬草驚心裹戰場。望斷銘旌何處是，蒼梧愁絕暮雲黃。

秦興季，天中閩生。弱冠登甲科，由庶常改給諫，以建議謫遼左。姜西溟稱爲本朝第一諫臣。天中將赴獄，門下生有問之者，猶譚三百篇離騷漢魏源流不輟。在戍所五年，其關前志別詩云：「今日玉關無內外，臨岐握手莫潸然。略無愁慘之色，送左大來葬詩云：『未遂首邱須淺葬，好留枯骨待恩波。』及世祖下詔賜還。

時開生已歿。特旨歸葬。竟如其詩。蓋身雖遷謫。而每飯不忘君父。故預知貫日之虹。聖明終垂宥諒也。
季滄葦^{振宜}。天中之弟也。順治己亥進士。官監察御史。巡按山西鹽課。彈章數十上。天中輒歸自遼左。正值滄葦在獄。夢寐中與兄絮語。醒而述爲長歌。寄天中柩前。以代酒。詩中有云。呼兄呼弟。相見甚喜。攜持各一手。分明見十指。顏色非生平。無復舊冠履。長跪問我兄。胡爲瘦至此。兄云爾不知。我今長已矣。形骸關塞外。日閉黃泉裏。朋友宿草盡。耶孃四千里。耶喜精神健。孃食無甘旨。三妹又長逝。白髮將誰倚。汝嫂目失光。石英覓燕市。從來敬寡嫂。青鳥化童子。莫我兒飢寒。我兒方生齒。我聞淚下雨。長跪不能起。我欲有所啓。收淚復長跽。白馬真死友。弟曾無錢紙。磷火連破冢。託足兄焉恃。兄云汝不知。夜臺無曉理。欲行我自行。欲止我自止。聖人復我官。旅櫬歸桑梓。所遺七八口。汝當速經紀。寄語掌史官。慎勿挂青史。幽禁之餘。精神相感。而忠孝友悌之情。纏綿固結如此。

高郵王文通^{永吉}。以巡撫宋權薦。由大理寺卿。晉至大學士。值水旱。詔所司議蠲賑。而湖川閩廣各鎮。戰守官兵急需糧餉。文通請召見諸臣謀議。奉旨。王永吉必有良策。因請清老弱占冒之兵。十汰其二。以裁項酌災蠲賑。則兵清而餉亦裕。賦減而民更安。上嘉納之。後以佐科場事降級。遷都察院左副都御史。卒于官。上念其服官有年。勤勞素著。贈少保。給予祭葬。立碑賜諡。

王文通官戶部右侍郎時。條奏三事。一請撥上田給運丁以濟運費。一請各項抵色銀。仍令官收官解。一請以蘆課并入各州縣考成。五年一次丈量。又條奏治河事宜。謂海口當開。不容少緩。官都察院左都御

史時奏言鄭成功悖逆顯著乞諭督撫諸臣製器練兵請以江寧總兵移駐鎮江蘇州提督移駐吳淞劉河又因不雨請清理獄囚俱蒙允行文通後人今居天長縣南諭興集讀書者甚多文通生平不以詩名偶見其雪夜和王印周水部韻五律云洗盞增清興何須問夜闌唾飛珠玉屑鹽笑水晶盤不有荊軻俠誰憐范叔寒魚腸白似雪月下共君看蒼深古厚之氣在國初詩人中正未多讓

繆湘沚司空沅奉旨赴江西糴米十萬僅得米六萬交巡撫收貯明年江浙水災湘沚疏請以採買之米運送江浙庶官米無涸爛之虞而江浙不待別行採買得旨如請速行又蒲臺縣家人叩閭訴後任將民欠捏揭虧空命沅往鞠得誣論嘉沅折獄公明詳細方平糴江西時每謂人予此行略無長物惟得詩七百餘篇爲稜米集同里程大京兆盛修云先生早年以詩鳴繼以文章經濟受知兩朝亦云盛矣雍正七年設觀風整俗使特命劉師恕充之及師恕告病回籍觀風整俗使缺遂裁

泰州俞師巖太史梅康熙癸未進士官編修聖祖南巡召梅父覲見溫綸嘉獎賜御書耆年誥綬匾額又特命梅充揚州全唐詩局纂修官其孫衛臯墳亦於乾隆辛未南巡迎鑾獻詩兼獻治河方略荷豐貂文綺之賜較諸生加倍

申笏山副憲甫好推獎士類一語半律之士輒吟賞嘉歎官順天府丞時兼學政以金臺書院士子膏火不足謀諸方制府觀承撥貨佐之直軍機處凡三十餘年中更戡金川討準口平定回部軍書旁午日不暇給公戴星而入比暮口歸爲聖主所深知幸臣所倚任至奉命起草每奏進必當上意政事填委手批

口授。皆能洞中機要。然公最以詩鳴。每扈從幸熱河。恭和御製詩既進。傳旨嘉賞。又常以重陽日同諸公集陶然亭。公詩先成。四座閣筆稱歎。先時寓時晴齋。爲汪文端公故第。春暮藤花開。必招集同志留連小飲。又賞芍藥于豐臺。尋菊于憫忠寺。歲以爲常。故詩亦最夥。

汪蛟門懋麟補刑部時。南城武某一車一馬。販米于南花園宿董之貴家。董利其資。殺之夜。以車載尸。鞭馬曳之他去。武父得尸于路。得車馬于劉氏之門。謂劉殺其子。蛟門曰。殺人而置其車馬于門。非理也。乃微行南城外。縱其馬。馬至董門。輒跳躍悲鳴。衝戶以入。卽令收之。訊得實。貢董于法。劉得釋。郡人爲作馬訟圖。賦詩張之。

又有王某者。與海戶鬪。自殺其病弟。而訟海戶于官。蛟門微行至其家。籠鵝忽羣鳴。延頸如有所訴。立逮弟妻訊之。具以告。旣具獄。忽二人稱王府使者。謂某隸籍府中。蛟門怒曰。吾爲朝廷守法。必需之。當奏聞。二人氣奪而去。時蔚州魏尙書深器之上。亦知其名。嘗出禁中宣紙百幅。命翰林諸臣及羣僚寫進。擇其尤者二十四幅爲御屏。蛟門與焉。事見王文簡所撰汪比部傳。

高郵陳修六璫。康熙庚戌進士。令貴州遵義縣。黔中舊有採捕之役。民以爲苦。修六力請於姚大中丞。疏入報可。其害遂格。修六有採木免木之歌。後令昌化。山僻之間。有聚衆者。單車造其地。諭以禍福。咸叩頭乞死罪。旬日之內。黨與盡空。無一人罹于法者。擢戶部郎中。度支出入一秉至公。無所回護。天子聞而嘉之。賜御書太白五言詩一章。有白鷺下秋水之句。蓋況之也。

康熙十八年乙丑春。試博學鴻儒。寶應喬石林。名在第五。授編修。江都汪次樸。名在第十五。授檢討。申維翰。孫豹人。鄧漢儀。以年老。賜中書銜。萊尋遷左春坊左中允。值海口濬河之議起。河臣建議築隄。束水以敵海潮。閉減水壩。別開閘以洩洪澤湖水。議不能決。上命訊淮揚士夫。時廷臣多右河臣議。萊獨慷慨陳其利害。言海口宜濬。明日入直起居注。上以海口事問某學士。學士仍右河臣。上顧問萊。萊凱切言之。上大悅。萊復至會議所。其論得失。聲情激烈。聞者感動。河臣語塞。李文襄時爲吏部尙書。揖曰。知仁勇先生兼之矣。梁大司農清標歎曰。江淮之間。可謂有人。先是石林聞河臣議大駭。言于司空。司空曰。事必行矣。言之何益。石林乃建四不可之議。且矢曰。今日之事。當以死爭之。功名不足顧。身家不足惜矣。河臣議果以是寢。河流順軌。至今皆聖祖之恩也。

江都李宗孔。高郵孫宗彝。皆以直著名。宗彝號虞橋。初授中書舍人。時中書無舍。排列關神廟中。虞橋詢之。或以中書官爲借徑。不必求備。虞橋以爲任一官必盡一官之職。何可苟也。卽奏請設中書舍。又舊時鄉居官紳免差。虞橋上疏請之。同官者責以不自爲計。虞橋正色曰。我輩能世世爲官乎。念及子孫爲百姓時。則今日正自爲計也。

虞橋爲吏部考功司員外郎時。有以城工授官者。力持不可。堂官劉正宗。郎中宋牧民。怒之。誣以索詐。下部面質。虞橋議論不屈。冢宰議以爲均得罪。上獨以宗彝爲直。專罪牧民。李宗孔。字雲官。給事中。在臺垣。先後疏四十餘上。皆關吏治民生。每同九卿奏事。侃侃直言。于同列不

少阿附後請假歸。御書香山洛社額以寵異之。

康熙庚戌會試復八股文。泰州宮定山夢仁以是年中第一官編修。改御史疏數十上。皆切中利弊。又緣黃淮泛溢急請疏理海口。出爲河官。官至福建巡撫。有政聲。歸田後。仿王伯厚小學紺珠。廣爲讀書紀數略五十四卷。康熙四十六年。上南巡。恭呈御覽。得旨刊行。遂併板繒進。存貯內府。亦儒生之榮遇也。王文肅安國遷侍讀學士。都察院僉都御史。舊制院門嚴啓閉。公曰。人之欲資在心。苟無欲。雖日啓門何患。乃設西齋。日延見諸生。教以讀書立品。貧者贍膏火。時士氣不振。公見諸生令長揖。使知重廉恥。長氣節。

乾隆丙辰揚州舉詞科者江都汪惇士。申及甫。馬佩兮。日。甘泉馬力本。樂祖。許渭符。佩瑛。寶應郭元城。東。高郵夏醴谷之。醴谷授翰林檢討。

江都唐制府綏祖與弟改堂太守紹祖皆有惠政于兩浙。制府官浙江藩司時奏弛囤當米穀絲棉之禁窮檐民隱體卹至周。改堂守湖州姚玉裁世姪有詩云。唐公多善政。第一是停徵。

卓子任爾堪從李文襄公之。芳討耿逆爲右軍前鋒。能陷堅陣。身被數創。桃花嶺銅錢嶺源口諸處皆見戰績。從軍行還家吟二首尤可謂忠孝兼盡者矣。其所遊會由定海普陀放洋過登州碣石至遼左觀海市。作歌慷慨沈雄。一時寡匹。中歲至吳趨以蔡維文爲妾。維文能詩。子任以三絕句聘之。有云。書生豈有黃金屋。紅袖難歸薛荔牆。裴之仙和之云。千騎東方名第一。可容宋玉獨窺牆。宣城梅文鼎和之云。生兒

應取桃花鱖。鷺尾湘鉤出短牆。

雍正癸卯科江都浦村張發生中武舉第一。弟發青亦中式。丁未會試。發生中傳臚。青中進士。竝爲御前侍衛。發生善歌詩。下筆條千百言。嘗以白紵贈丹陽於一川。震一川爲白紵歌贈之。中有云。將軍弱齡使筮仕。秋風一鶚南天起。同時兄弟垂金貂。曉入甘泉侍天子。鐵衣扈從獵上林。一箭射殺兩青兕。與酣下馬贈新詩。大貝南金光滿紙。中黃虎賁皆歎息。衛霍當年詎有此。

張和字履中。以武進士爲侍衛。所歷都門。山右。楚南。西秦。恆山。所至皆有吟詠。自敍其總集云。余少小馳心騎射。弱冠侍直禁庭。於三百之旨。婉未能究。然性之所近。往往有觸。輒爲搜枯。自丁卯迄今。共存若干首。彙而付梓。聊志平生閱歷。初不自計其工與拙也。世之覽者。倘不責武夫鹵莽。唐突文士風流。則知我不淺矣。文亦簡潔有致。江都浦村之張。甘泉黃珏橋之焦。卽公道橋吾家阮氏。皆以武世其家。而無不熟習經史。善詩歌。博學能文。焦效朱熹。以武進士官都司。勇力善謀。爲李宮保衛所知。每效歐陽率更體作蠅頭小楷。工妙絕倫。其叔瀛。淳兄。憬。皆以武科顯而善屬文。

先大父招勇將軍號琢菴。少能挽強馳射。矢無虛發。尤喜讀書。爲古文詞詩歌。援筆立就。先世居江都公道橋。康熙辛卯。占籍儀徵中武舉。乙未會試成進士。分鎮藍旗教習。雍正癸卯。授三等侍衛。賞戴花翎。出官湖北撫標中軍游擊。公餘手錄白香山詩。常與僚友相倡和。及調署湖南九谿營。適城步綏寧兩縣苗匪數萬盤踞山谷。殺傷官兵。肆出劫掠。奉檄領兵隨鎮軍總兵掩剿。駐三界溪。苗匪悉精銳屯山口。先大